

LA BALILLA

Vuri savè el mestee che fu mi
el me laurà cumincia a mesdì
vendi lisciva soda e saun
l'acqua bugada cul motofurgun
cul motofurgun.

Mi vu in gir de chi e de là
mi vu in gir per laurà
troevi tanti bigliett de mila
me vegnù in ment de crumpà la Balila
la Balila la Balila la Balila.

E la sorpresa dei me fradei
che m'han mangià anca i budei
mia cusina che la stà in via Larga
la m'ha mangià anca la targa
anca la targa.

La mia zia de Gurgunzoela
cun i gomm l'ha fa la cassouela.
El mè nonu che el g'hà l'angina
l'ha ciapà la ciocca cu la benzina
cu la benzina.

La Maria che la stà in la mia porta
la m'ha mangià la goma de scorta
el cines ci cis cipofen
el ma mangià anca el cofen
el cofen

El Carlet stu stupidot
el s'è fa un vestì cun la capot.
Un me visin de la ringhera
el mà digerì anca una purtera
una purtera.

Ma l'unic che l'è restà scutà
l'è un mè cusin che l'era suldà,
l'è turnà ca e l'ha truà sulament
el fum del tubum de scapament
de scapament

Mi vu in gir de chi e de là
Mi vu in gir per laurà
troevi tanti bigliett de mila
ma cumpri pu un'altra Balila
ma cumpri pu un'altra Balila
ma cumpri pu un'altra Balila.

